



Broj: 04-16-3-1918-28/22
Sarajevo, 25.01.2023. godine

Na osnovu člana 53. stav (6) Zakona o javnim nabavkama („Službeni glasnik BiH“, broj 39/14), a postupajući po Rješenju Ureda za razmatranje žalbi broj: JN2-01-07-1-2658-9/22 od 21. 12. 2022. godine, zamjenik ministra komunikacija i prometa Bosne i Hercegovine *d o n o s i*

ODLUKU

o izmjeni Tenderske dokumentacije za nabavku opreme za digitalni prijenos i emitiranje za Projekat digitalizacije Javnih RTV servisa u Bosni i Hercegovini

Član 1.

Ovom odlukom mijenja se Tenderska dokumentacija u otvorenom postupku javne nabavke opreme za digitalni prijenos i emitiranje za realizaciju Projekta digitalizacije Javnih RTV servisa u Bosni i Hercegovini broj: 04-16-3-1918-4/22 od 22. 6. 2022. godine (Obavještenje o nabavci broj: 1236-1-1-56-3-23/22), a postupajući po Rješenju Ureda za razmatranje žalbi broj: JN2-01-07-1-2658-9/22 od 21. 12. 2022. godine i glasi:

- 1) na strani 7. TD-a u Poglavlju 3. Uvjeti za kvalifikaciju ponuđača u postupku javne nabavke i uputstvo kako se dokazuje ispunjenost tih uvjeta, tačka 3.5. pod a) se mijenja i glasi: „*da ima uspješno iskustvo u realizaciji jednog ili više ugovora za digitalnu zemaljsku televiziju - DVB-T2: (Digital Video Broadcasting - Terrestrial 2) koji pojedinačno ili zbirno uključuju isporuku, montažu, integraciju i puštanje u rad segmenata koji su predmet ove javne nabavke, i to: headend, mikrovalni linkovi, DVB-T2 predajnici i GAP filleri (minimalno 120 lokacija), antenski sistemi i pripadajuća IT oprema, a u skladu sa zahtjevima iz ove tenderske dokumentacije u prethodne tri godine čija ukupna (kumulativna) vrijednost nije manja od 10.000.000,00 KM bez PDV-a.*“
- 2) na strani 8. TD-a u Poglavlju 3. Uvjeti za kvalifikaciju ponuđača u postupku javne nabavke i uputstvo kako se dokazuje ispunjenost tih uvjeta, u svrhu dokaza o ispunjavanju uvjeta tačke 3.5 ove tenderske dokumentacije, ponuđač je dužan dostaviti: tačka pod a) mijenja se i glasi: „*spisak izvršenog/ih ugovora za digitalnu zemaljsku televiziju DVB-T2, uz potvrdu koju daje druga ugovorna strana o njihovoj realizaciji, a koji sadrži jedan ili više ugovora koji pojedinačno ili zbirno uključuju sve segmente koji su predmet ove javne nabavke, čija ukupna vrijednost nije manja od 10.000.000.00 KM bez PDV-a. Ponuđač u potvrdi navodi podatke opisane u članu 48. stav (3) Zakona. U slučaju da se takva potvrda iz objektivnih razloga ne može dobiti od ugovorne strane koja nije ugovorni organ, vrijedi izjava privrednog subjekta o uredno izvršenim ugovorima, uz predočavanje dokaza o učinjenim pokušajima da se takve potvrde osiguraju, a u skladu sa čl. 48. i 49. Zakona.*“

- 3) na strani 12. u Poglavlju 5. Ostale odredbe u tački 5.1. mijenja se rok za dostavljanje ponuda, koji glasi: „*Rok za dostavljanje ponuda ističe dana 15. 2. 2023. godine u 10:00 sati.*”
- 4) na strani 12. u Poglavlju 5. Ostale odredbe u tački 5.2. mijenja se datum javnog otvaranja ponuda i glasi: „*15. 2. 2023. godine u 10:15 sati.*“
- 5) na strani 14. u Poglavlju 5. Ostale odredbe tačka 5.9. Garancija za uredno izvršenje Ugovora mijenja se i glasi: „*Ponuđač je obavezan da uz ponudu dostavi Izjavu ponuđača da će, ukoliko njegova ponuda bude odabrana kao najpovoljnija, dostaviti, u roku od 15 dana od dana zaključivanja/obostranog potpisivanja Ugovora, garanciju za uredno izvršenje Ugovora u obliku bezuvjetne bankarske garancije u iznosu od 10% od vrijednosti Ugovora, sa klauzulom plativo na prvi pisani poziv korisnika garancije i bez prava prigovora, sa rokom važnosti: rok izvršenja ugovornih obaveza + 30 (trideset) dana. Izjava se dostavlja u originalu i mora biti ovjerena pečatom i potpisana ovlaštene osobe ponuđača. Navedena izjava se daje u skladu sa obrascem iz Aneksa VIII ove tenderske dokumentacije koji čini njen sastavni dio.*”

Forma garancije za uredno izvršenje Ugovora je data u Aneksu XIV ove tenderske dokumentacije i čini njen sastavni dio. Garancija za uredno izvršenje Ugovora dostavlja se u originalu. Garancija ne smije biti ni na koji način oštećena (bušenjem i sl.) jer se probušena ili oštećena garancija ne može naplatiti. Ukoliko garancija za uredno izvršenje Ugovora nije dostavljena na propisan način, shodno uvjetima iz TD-a i u roku koji je odredio ugovorni organ, zaključeni Ugovor će se smatrati apsolutno ništavim. Ukoliko ne nastupi nijedan od slučajeva koji bi zahtijevao realizaciju garancije za uredno izvršenje Ugovora, ugovorni organ vrši povrat dokumenta ili sredstava koji predstavljaju garanciju za dobro izvršenje ugovora prema uvjetima iz Ugovora.

Ukoliko garanciju za uredno izvršenje Ugovora dostavlja grupa ponuđača, garanciju može dostaviti jedan član grupe, više članova ili svi članovi grupe.“;

- 6) na 14. strani u Poglavlju 5. Ostale odredbe dodaje se tačka 5.9.a) i glasi: „Garancija za osiguranje u garantnom periodu
Ponuđač je obavezan da uz ponudu dostavi Izjavu ponuđača da će, prije uplate zadržanog iznosa iz člana 8. Ugovora, dostaviti garanciju za osiguranje u garantnom periodu u obliku bezuvjetne bankarske garancije na iznos od 2% vrijednosti Ugovora bez PDV-a, sa klauzulom plativo na prvi pisani poziv korisnika garancije i bez prava prigovora, sa rokom važnosti: ponuđeni garantni period + 30 (trideset) dana. Izjava se dostavlja u originalu i mora biti ovjerena pečatom i potpisana ovlaštene osobe ponuđača. Navedena izjava se daje u skladu sa obrascem iz Aneksa X ove tenderske dokumentacije koji čini njen sastavni dio.”

Forma garancije za osiguranje u garantnom periodu je data u Aneksu XVI ove tenderske dokumentacije i čini njen sastavni dio. Garancija se dostavlja u originalu. Garancija ne smiju biti ni na koji način oštećene (bušenjem i sl.) jer se probušena ili oštećena garancija ne može naplatiti. Ukoliko ne nastupi nijedan od slučajeva koji bi zahtijevao realizaciju garancije, ugovorni organ vrši povrat dokumenta ili sredstava koji predstavljaju garanciju prema uvjetima iz Ugovora.

Ukoliko garanciju dostavlja grupa ponuđača, garanciju može dostaviti jedan član grupe, više članova ili svi članovi grupe.”

- 7) na strani 16. u Poglavlju 5. Ostale odredbe tačka 5.15. Rok, način i uvjeti plaćanja izabranom ponuđaču mijenja se i glasi: „*Plaćanje izabranom ponuđaču će se izvršiti u skladu sa članom*

8. Način plaćanja iz Prijedloga ugovora o nabavci opreme za digitalni prijenos i emitiranje za realizaciju Projekta digitalizacije Javnih RTV servisa u BiH“;

- 8) na strani 28. Aneksa II – Obrazac za cijenu ponude, u Tabeli 6. Mjerni instrumenti, briše se tačka 15. „Nadogradnja ETL TV analizera“;
- 9) na strani 42. u Aneksu VIII – Izjava o dostavi garancije za uredno izvršenje Ugovora briše se dio teksta: „ + *garantni rok opreme*“;
- 10) na strani 47. Prijedloga ugovora o nabavci opreme za digitalni prijenos i emitiranje za realizaciju Projekta digitalizacije Javnih RTV servisa u BiH mijenja se član 11. Bankovna garancija i glasi:
*„(Bankovne garancije)
Kao sredstvo osiguranja za uredno izvršenje ovog ugovora Dobavljač je obavezan da dostavi, u roku od 15 dana od dana obostranog potpisivanja Ugovora, garanciju za uredno izvršenje Ugovora u obliku bezuvjetne bankarske garancije u iznosu od 10% (deset posto) od vrijednosti Ugovora, sa klauzulom plativo na prvi pisani poziv korisnika garancije i bez prava prigovora, sa rokom važnosti: rok izvršenja ugovornih obaveza + 30 (trideset) dana.*

Kao sredstvo osiguranja u garantnom periodu Dobavljač je obavezan da prije uplate zadržanog iznosa iz člana 8. ovog ugovora dostavi bankarsku garanciju u obliku bezuvjetne bankarske garancije na iznos od 2% (dva posto) vrijednosti Ugovora bez PDV-a, kao garanciju za otklanjanje grešaka u garantnom periodu, sa rokom važnosti: ponuđeni garantni period + 30 (trideset) dana.“
- 11) na strani 50. mijenja se Izjava o garanciji za ponuđenu opremu (Aneks X) te su svi potencijalni ponuđači u obavezi da u svojoj ponudi dostave izmijenjenu Izjavu o garanciji za ponuđenu opremu, koji kao prilog čini sastavni dio ove odluke;
- 12) dodaje se Aneks XVI – Forma garancije za osiguranje u garantnom periodu, koji kao prilog čini sastavni dio ove odluke;
- 13) na strani 93. Aneksa III – Tehnička i funkcionalna specifikacija, briše se tačka 6.12 „Nadogradnja DVB-T/DVB-T2 instrumenta“;
- 14) na strani 104. Aneksa III – Tehnička i funkcionalna specifikacija, u Tabeli 7.3 Tehnički zahtjev za DVB-T/T2 predajnike, u retku pod brojem 24) briše se posljednja rečenica koja glasi: „Napajanje pojačala također mora biti tečno hladeno.“

Član 2.

U ostalom dijelu Tenderska dokumentacija ostaje neizmijenjena.

Član 3.

Ova odluka stupa na snagu danom donošenja, objavljuje se na web portalu e-nabavke i dostavlja se potencijalnim ponuđačima u postupku javne nabavke.

Obrazloženje

Postupajući u skladu sa Rješenjem Ureda za razmatranje žalbi broj: JN2-01-07-1-2658-9/22 od 21. 12. 2022. godine kojim se usvajaju žalbe potencijalnih ponuđača: „BOSNIEN BUSINESS SYSTEMS“ Sarajevo i „ENERGO TSO“ Sarajevo i nalaže ugovornom organu da „u ponovljenom

postupku u skladu sa svim ocjenama ovog organa po žalbenim navodima izmijeni tendersku dokumentaciju, odnosno na osnovu svega donese pravilnu i na zakonu zasnovanu Odluku“, izvršena je odgovarajuća izmjena u Tenderskoj dokumentaciji za nabavku opreme za digitalni prijenos i emitiranje za Projekat digitalizacije Javnih RTV servisa u Bosni i Hercegovini broj: 04-16-3-1918-4/22 od 22. 6. 2022. godine i nastavlja se daljnji postupak javne nabavke.

Imajući u vidu predmetne izmjene, vrši se pomjeranje roka za dostavu ponuda za 21 dan, onako kako je precizirano u članu 1. ove odluke.



Dostavljeno:

- Svim potencijalnim ponuđačima koji su preuzeli tendersku dokumentaciju putem portala Agencije za JN
- Komisiji za javne nabavke
- a/a